


141



掖垣類稿卷第四

周益文忠公集九十七

新除敷文閣直學士知潭州劉岑改除敷文閣待

宮觀

十一月二十二日



勅昔祖宗之待近臣也一青豈嘗遂廢白首獨拜州馬忠厚之
風至于今是賴肆予寡昧欣慕前列舊人無幾我尚有之具官
某稟邁往之資忘泛愛之累紹興初載已踐高華流落雖久精
白未減故加峻職起殿大邦朕則曰惟爾之能人則曰惟爾不
任聽言念舊思酌厥中次對奉祠併為爾寵惟古之忠臣不忘
君於畎畝况通籍西清者乎何必牧民乃能報國可

吳璘保明正侍大夫宣州觀察使右軍統制楊從儀落階
官除正任防禦使 八月九日

勅曰奴絕和親攻當路塞獨西師所向無前此吳氏父子功
也雖則云然尚猶推勞諸將亦賢矣哉具官某久在戎行智而
有勇素馳滅宮之志今逢李廣之時攻散關克虜營據原隰聲
震三輔厥功茂焉元帥以聞我商賚汝差擇名郡授以禦戎之
印爾尚畢精竭慮協贊兵機以共平多壘毋謂萬里而忘汝知
可

武經郎郭昇元係敦武郎閤門抵候緣武轉翼郎依例除

落閣職可特與除閤門宣贊舍人 九月二十五日

勅具官某介于諸使郎解上閣之職者例也拔自衆人進掌贊
導之儀者思也例不可越公道存焉若夫恩以馭幸則人主其
柄矣往思謹畏用稱所象可

平和大夫貴州團練使判太醫局能誠轉兩官合轉成安

大夫 係德壽宮醫官

勅具官某昔平咸以鴻術為帝堯之醫後世蓋祖述焉今爾淹
貫古書發明新意肆繇推擇執藝於堯堯之宮不曰榮遇乎疊
進官榮制食益厚古人可勉毋自怠焉

吏部狀承紹興三十二年正月十三日三省樞密院機速房
劄子京西北路招討使吳拱奏據鄧州在城僧道士庶段舉
等狀為本州蕭中一身係契丹心順宋朝密授旗榜不意內
有白千戶經劉萼等告變中一知事不捷遂挈家歸正迷路
行至州北百餘里被賊劫散拱差軍馬尋接到中一男并夫
人家小護送已到鄧州外中一因劫被村民殺死乞優加褒
贈及將本官男穎推恩已行下鄧州優加存恤及將蕭穎權
補武翼大夫小貼子蕭中一妻耶律氏見帶番偽蘭陵郡夫
人次妻耶律氏并妾路氏蕭穎妻耶律氏各未有封號正月

九日三省樞密院同奉 聖旨依奏蕭中一令所屬優加褒
贈蕭中一妻與加封餘人依條封號本部參照比擬欲將蕭
中一換贈正任觀察使優加褒贈與贈正任承宣使及本人
妻耶律氏與封碩人蕭中一次妻耶律氏妾路氏並孺人蕭
穎妻耶律氏隨夫見今官與封安人四月十九日奉 聖旨
蕭中一特贈節度使與封郡夫人餘依吏部指定到事理施
行權中書舍人周某劄子內有稱呼合行申明今具下項一
吏部擬蕭中一前銜作故奉國上將軍等欲乞稱故歸正人
某官一吏部蕭中一妻耶律氏前銜並繁偽定今欲乞稱故

贈某軍節度使蕭中一妻蘭陵郡夫人某氏一吏部擬蕭中
一次妻耶律氏前銜亦繁偽官今欲乞稱故贈某軍節度使
所有次妻二子別無經據若直稱妾又恐與路氏無別今
欲乞用小妻二字出漢書仍乞朝廷此路氏量與加封庶得
允當一吏部擬蕭中一妾路氏前銜亦繁偽官今欲乞稱故
贈某軍節度使蕭中一妾路氏侯指揮十一月六日奉
聖旨依內蕭中一小妻耶氏特改封安人

故歸正人奉國上將軍武勝軍節度使兼鄧州管內觀察
使威略軍都總管護軍蕭中一贈節度使

勅春秋爵潞子漢興封弓高蓋嘉其能慕諸夏則進之念其出
於世胄則侯之古之道也况夫舉族來歸不遂厥志追褒之
寵其可限於常法哉具官某北方之貴種南陽之良守戰爭之
際逆順未分而能遏兵鋒保城邑仁也尊中國背夷狄忠也有
是二美而天命不祐冲道隕越朕甚傷之惟擁旄受鉞以待勳
積之殊絕者今以遜爾茲為異恩竟而有知服予一人之嘉命

手書
蕭中一妻耶律氏封郡夫人

勅契丹事我朝百有餘年歡盟之篤古未有也中罹蕩析其遺

民男女寧無厭虜虐思前好者乎具封某氏君長之胄歸于名
王懷我大德勉夫歎塞今其娶矣何以錫之重錦魚軒易其羶
毳昔太祖謂孟昶之母曰送平太原當送母歸故鄉今朕方以
殄虜為期他日亦將歸爾於燕薊姑服新命母戚戚焉可
小妻耶律氏封安人 妾路氏同詞

勅某氏遠人慕義越境來歸朕嘉其懷忠而閔其非命故推恩
渥偏逮家人祇服美名安于其室可
男武翼大夫穎妻耶律氏封安人

勅某氏惟爾先舅功在南陽心嚮王化不幸路于道路聞之惻
然朕方優恤歎家以勸來者仰事俯育爾失是賴茲用列爾命
婦賁其閨門尚服寵光知朕招携懷之意可

請海軍節度使李寶曾祖朝散大夫大理寺丞舜卿贈太

子少保 登極赦恩

勅鄉者賊亮造舟膠西為浮海之策天誘良將之秉水擊火攻
剽殄滅之俾無遺育雖曰賴國威靈伐賊祕計亦惟爾李氏三
世將昌以集此休命肆予寵加之具官某積善在身陰功及物
寧番其報以遺後人暨室遂興成此偉蹟粵由橫列一命而植
六纛近世蓋未有也茲予踐祚加寵曾門廷尉之丞驟亞宮保

可謂非常之澤矣庶幾幽壤歆我追褒可

四川宣撫制置使司奏瓦亭戰功右武大夫高師中高海
特轉進郡刺史武功大夫朱秀楊万特轉右武大夫拱衛
大夫秀州刺史吳勝轉遙郡團練使武功大夫賀州刺史
朱勇轉遙郡團練使右武大夫陶師仲轉左武大夫武功
大夫胡清轉右武大夫右武即楊序轉拱衛即

勅完顏氏逆天敗盟首犯秦隴吾大將屬使諸校轉鬪千里兵
威之盛聞於天下惟爾具官某等稟授萬略咸奮智勇攻水洛
戰瓦亭追奔逐北僵尸相屬執某渠率百三十有七人獲首三

百二十有六級城邑寢平權于茲予惟寵嘉之或遞進橫班或
寵陞遙寄其尚祗報厚賞益圖來効稱朕知有功之意焉可

兩浙東西路通奏海州沿海制置使充京東東路招討使
李寶下出戍暴露官兵董舜臣等依六月一日指揮各特
與轉一官資數內右朝散郎楊景雄轉右朝請郎

勅具官某等詩曰靡室靡家儼徂之故也此非文王之時乎念
我士卒久勤戍役特推異數偏于六軍而將臣寶以名聞者萬
三千有六十咸進歛秩爾景雄蓋其一也賞行維信尚往欽哉
可

右武大夫成州團練使鄂州後軍副統制華旺去年策應
趙搏立功最多未經推賞七月二十七日聖旨除正任防
弁士禦使

勅中國蓄威養銳踰二十年矣一旦胡虜盜邊士飽馬勝誰不
自奮迄資衆力扞我于艱有功未疇何以示勸具官某天資忠
勇益以權謀久處兵間為下所服向者率沔鄂之衆濟陳蔡之
師鯁賊喉牙固吾疆圉肆嘉勲郊驟正扞防今邊陲少安而倫
禦尤急爾其遠斥堠練士卒精器械非常之練尚勉圖之可

武海州劫寨身死長行翁顏贈承信郎與一子守闕進勇副

尚尉 十月二十八日

勅某人爾頓以乘邊勇於摩壘被傷而死深所哀矜進秩錄孤
尚款卹典可

蔡州陣亡有家屬承節郎李貴贈三官與兩資恩澤進義

校尉宋琪贈承節郎與一子進勇副尉已下並十月二十

八日降旨

勅某人等昔者下襄漢之甲底定蔡方雖師直為壯人百其勇
然不能救爾於鋒鏑之下吾是以知兵之為凶器戰之危為事
也悲夫值詔司勳進官而錄其後忠魂未泯歆我閱章可

蔡州陣亡官兵無家屬李雲等十九人各贈承節郎

勅某人等爾等既為國而捐其軀又無家以續其祀可謂重不

幸也已進官何及尚慰九泉哀哉可

和州陣亡官兵左武大夫常永壽贈八官與恩澤八資於

橫行遙郡止分贈中衛大夫遙郡觀察使六月九日

勅賊亮既歸窮寇翱翔歷陽且歸矣而王師過之匹馬筋輪

欲其無返然兵法之所難也其官某奮熊羆之力忘蜂蠆之毒

反令送死之虜歸爾如生之元厚進歛官貤恩稱是少紓痛悼

尚克享之可

兼知臨安府趙子瀟修城子卑轉一官十一月十三日

勅天子守在四夷故城成周而君子小之雖然清風至而城郭

不修入其國者有以觀政矣爾其官某之行內史也有張敞之

儒術而鄙其婿有廣漢之聰明而耻其訐未嘗諂附以干譽知

悉意於公家而已故昔者事勞而今逸昔者財困而今裕復以

餘力相崇墉而新之肆予一人汝嘉夫京兆群國首爾既能以

治辦為二千石倡矣朕亦何惜一官不以風曉諸道乎尚其

往欽且有後寵可

成閔保奏瓜州及皂角林陣亡官兵武功至武翼大夫郭

進張千張進王玘張仙李榮王昱張宥楊和朱洪等一十人各贈六官與六資恩澤係於橫行遙郡上分贈

勅先日單于自將送死廣陵王師一勝于皂林再戰于瓜洲雖稍折其鋒而吾士馬亦少耗矣具官某等皆闔將也奮其智勇力扞大敵身膏野草朕用閔傷橫班遙寄追錫休命且詔有司悉錄其孤嗚呼死者不可復生姑致吾悼念而已可

不將仕郎竹友直用紹興二十八年修展外城及修城門賞
錄入循右修職郎

勅具官某修闢閩闈今四年矣賁伐來上其如初詔可

軍器所兼提點右武大夫忠州團練使輔達兼同提點協

忠大夫忠州團練使李福監督製造軍器精緻特與轉行

一官輔達轉階官李福轉遙郡九月二十三日

勅朕玩易之萃而知戎器不可以不除誦詩車攻而知器械不

可以不備粵初嗣服首儀圖之以爾具官某久服戎行見稱材

敏肆予選擢付繕工之事汜職屬耳而矯干穀甲鍛矛礪刃皆

以善聞朕甚嘉之序陟橫班益勤毋怠可
李福改付繕作貳
繕改橫班作兵防

建康都統制下使臣時貴押馬五十疋倒斃二十五疋降

一官更展二年磨勘三宗政降官同詞

勅某人地用莫如馬今日先務也爾效牽雖遠何至損其十半
手曠職如斯惡得無罪可

臨安府修城官第二等通判劉遠轉一官

勅具官某漢城長安至發侯王之徒隸今亡是也聞民無常職
則予其直而庸焉民既子來功宜亟就治茲第賞小大不遺矧
汝夙著能稱久貳京邑職雖外徙朕豈汝忘序進一階尚圖報
稱可

成閔保明馬軍司主管機宜文字宋藻往來道路勞役又
該出戍暴露賞轉一官隨軍使喚右迪郎國大同轉從事

即

勅具官某等采薇遣戍也杖杜勞還也皆告以王事靡盬故其
詩有憂而不怨之象焉爾頃從將臣更涉寒暑例遷厥秩用酬
跋履之勤視古歌詩蓋加厚矣往其祗服可以忘勞可

右迪功郎鎮江府司戶權察推逢維翰裁埋鹿角暗樁自

具建康界至江陰軍界一百七十里循一資

四月二十九日

勅具官某往者胡騎大入所以備之者百方木雍槍纍自江干
以屬于海爾吏京口與有董治之勞序進一階尚其祗服可

李顯忠保明淮西楊林渡陣亡王勻等一千三百七十五

人內武顯大夫董寶武翼大夫王勻各贈六官於橫行遙
郡上分贈各與六資恩澤八月六日
勅楊林之戰殺傷相當朕一聽磬聲未嘗不思當時死事之將
也具官某勇於敵愾忠不顧身馬革裹尸卒成素志泰山如厲
莫副我心遙寄橫階舉為愍典錄孤與幼多至六人生者既
以有歸歿者庶無憾矣可

勅南鄂州吳拱申武畧郎申立成忠郎元廣今年正月內四次
具蔡州立奇功卒患身死元係合轉八官之人九月二十四
日

聖旨與贈八官申立合贈右武大夫遙郡刺史元廣贈武經郎
勅生而資其力死則廢其功非人情也具官某素推拳勇屢戰
蔡城方趨定封遽悲薄命峻升橫列仍刺大州庶幾有知服我
休命可元廣用平詞仍改四句云進階八
等時乃異恩九原有知尚或能享

成閔奏額外翰林醫郊殿前司隨軍醫治賜緋魚袋李宗訓
該收復蔡州等賞轉額外翰林醫官八月三日

勅某人去歲夏出禁旅冬戎淮蔡暑行無癘疫士寒無鞍屨共
醫事者預有勞焉遷秩示恩益進其技可

成忠郎安知和楊維勳秉義郎曹輔武功郎江昌朝武經

即李峻秉義即張士堅並該修製奉上德壽宮冊寶賞各

轉一官九月八日

勅其官某等朕惟父母至恩大德無物可稱乃詔攸司鏤玉牒

播鴻名少致歸美之義率百官而上之國有大慶所及者廣故

如汝等例獲進階榮幸則多廩勤乃稱可

吳璘申已罷姚仲都統安撫職事送文州知管總候朝廷

指揮所有東路軍馬逐急羌夔州安撫李師顏奉

聖旨依所申差李師顏權行節制如能任職保明中三省樞密

院契勘中侍大夫武當軍承宣使知夔州李師顏今年三

子月收復德順軍立功自權上件職事委能任職乞正差克

與元府住劄御前諸軍都統制利州東路安撫使馬步軍

都總管兼知興元府事奉聖旨依

勅朕西望梁州密連秦分地護列營之衆外信關國之威謀師甚

難得人仍授其官某素懷忠概屢立戰功疇昔乘邊人皆推其

武畧今茲推轂朕亦藉其威名分東道之師符付漢中之軍政

既聞試可何以假惟為國家倚爾為長城惟士卒恃而為司命勿

辜任使勉赴功名可

左迪功郎王萬修用昨任勅令所剛定官日經修紹興參

附尚書吏部勅令格式等循修職即

勅具官某事既無窮法亦隨制此國家設官議令之意也汝嘗

為之屬與去取員馬雖省而成書之賞不廢朕恩厚矣尚往欽

哉可

武德大夫關寶監督製造軍器精緻轉一官

勅具官某備甲兵鍛戈矛諸侯之事也猶見稱於詩書況朕君

臨萬方思靖多壘則於技巧器械烏可忽

哉汝有督治之勞茲用進秩一等益辦乃事體

予見知可

御營宿衛使司準備差遣右儒林郎趙汝勅結局轉西官

已改右宣教郎更轉右通直郎

勅具官某往者第賞天營爾既釋南曹之選而隸審官之籍矣

有司稽其功狀尚以為言故令進爵一級以應勲格膺茲異數

可不勉哉可

右奉直大夫葉均男右迪功郎葉均獻錢一萬二千貫循

右文林郎

勅具官某入貲賜爵前世有所不勉然非迫於養兵而重於加

賦則吾亦安取此汝能體國壘命進階往服寵章榮其里閭可

右從事郎梁山軍判官石明緒右迪功郎解延運並任房
州房陵縣尉日賣益增逾年一倍以上各循一資辛巳十
月九日

勅具官某等邊城戶口寔增故鬻監倍蓰於他日爾嘗為尉用
是象賞不既幸乎可

保義郎郝謚管押温州錢綱違程兩月降一官壬午

勅具官某等水陸之運可以日計儻愆期會宜小懲之可

歸明人忠武校尉雲騎趙吉同女督車全劉福去年十二

月汝州陣亡趙吉與換從義郎上贈二官與恩澤三資車

全劉福並白身各贈承節郎各與一名進勇副尉壬午七月
八日勅

勅某人等汝舅駐慕義自拔來歸而銳於立功至同時以死達

于子聽為之惻然追命錄孤尚其知享可

右朝奉大夫提轄文思院上下界王棟該第二等冊寶賞

轉一官減二年磨勘壬午十二
月十日

勅具官某朕總公卿之議奉徽號於西宮鏤玉範金禮備而文

縟雖曰工善其事亦惟爾董治勞之序陟文階尚其祗服可

温州通判張大年起發經總制錢最違慢降一官

勅具官某自調兵戍邊用度日滋吾不敢一毫橫斂於民若常

賦又不時至將何賴焉温大州也為之丞宜先而後鐫官示沮

且警他邦可

鳳州梁泉縣嘉陵谷善濟侯加封英顯善濟侯近因金賊侵犯常起

雲露風雨使賊不安并江水常盈不設糧餉事

勅某神狄人頓兵西陲徂伺秦隴賴神之靈凡天時地利利吾率得

之惟履信思順朕猶有愧而獲助如此其何敢忘申錫嘉名以

示無德不報之義尚恢濟施迄靜邊虞

昌化軍寧濟廟偽漢封永清福夫人今改封顯應夫人轉

司狀三十二年亢旱祠禱雨降歲則大熟又黎人作過巡尉祈禱雷雨大作黎人驚散

勅某人儋耳在南海中黎人雜居厥田下下弭寇攘之患格豐

登之祥惟神之功寬朕憂願未加翟弗闕孰甚焉其正位小君

以易二百年之稱謂尚憑寵命弥廣靈釐可

修製奉冊上寶主管行遣書寫奏報文字承信即權貨務

檢法使臣王大亨轉一官減二年磨勘

勅具官某朕以八月戊寅上鴻名於西內惟時小吏與有刀筆

之勞序進官榮母忘報稱可

吉州進士易嘉謀進納米斛準錢八十貫補右迪功郎

勅某人振廩佐軍一時之善意祿以馭之終身享某榮焉吾於

士民可謂無負矣可

右修職郎監文思院下界魏欽緒用修製冊寶賞比類循
三資

勅具官某朕奉寶冊於二親之側蓋曠典也維時慶賞偏建攸
司議者疑焉故統及考工之屬汝名臣子凡事有勞壘進其階
尚知榮遇可

汝海制置使下進勇副尉多獎船部將翁喜弟紹興三十
一年十月二十七日港口陣亡特贈承節郎與一子父職
名更與一子進勇副尉

勅某人向者海道之役人皆凱還而爾獨亡人皆策勳而爾無
及錄孤進爵尚慰忠魂可

鎮江都統制張子蓋下探事人進義校尉霍千進武副尉
鄂西呂直並在淄州淄縣陣亡各特贈承節郎與一官遥郡上
分轉

勅賊亮十年謀我一旦掃國入寇惟師錡抑其鋒於清河敗其
衆於皂林勳雖未究而用力至矣具官某等感負絕人之勇嘗
攄敵愾之忠豈以錡亡而遺汝賞遽加爵秩寵錫贊書聞鼙鼓
之聲猶思錡績申河山之誓用答汝功尚勉之哉母忘予報可
左迪功郎御營宿衛使司準備差遣衛博結局轉西官循

儒林郎

勅具官某爾以書生樂從軍旅之事固異夫懷安而不安者第功幕府優進四階尚屬材猷以從官政可

右修職郎丹陽縣尉程千載裁埋鹿角暗椿自建康至江陰界戒二年磨勘循右從事郎

勅具官某佛狸窺江吾固知其送死然植柵以安民心有不可得而廢者汝為邑尉治量有勞稍進其階尚思報稱可

趙樽申忠義軍副統領戴規於紹興三十一年十一月內先結約陳亨祖等收復陳州次年三月蕃賊攻城初十日

城破規部兵巷戰奪門陣亡特贈三官與兩資恩澤更一

國下名守闕進義副尉

壬午十二月二十三日旨揮

勅某人等宛丘之民世被王澤故得之也易地當四戰虜所必爭故守之也難爾知足以得其城而勇不忘於死守可謂忠矣追褒之典當越常彞魂如有知服予一人之寵命可

忠翊郎江西安撫司準備將領王士英有產業在洪州本州通判吳謙舉覺先次任支請受本人妄狀經樞密院稱其士英兼訓練日依奉朝廷指揮裁戒諸聽人從追赴教閱吳謙因此嫌恨事吏部稱即前件無指揮檢詳本人不遵

分守特降一官放罷

壬午十二月十八日

勅具官某任於殖產之邦雖戾吾法可恕若乃矯誣而犯上議者疾夫削爾一階少戒妄發可

復州防禦使王友直海州解圍當轉三官特除正任觀察

使十月九日

勅觀風置使今雖異於古然恩章之厚待遇之優幾與吾侍從之臣等輕以授人可乎具官某葵藿之心惟思就日熊羆之力固可絕人東海奏功出乎倫類超進使號理亦宜之夫衛上莫若忠料敵莫若智率下莫若勇得士莫若公能是四者斯良將美勉之哉母荒弗朕命可

成閔下主管機宜文字宋藻已差知江陰軍用荆襄功賞

轉一官

壬午七月二十八日

勅具官某自兵興以來國家恤下至以攻戰者厚賞暴露者例遷爵秩所加動以萬計而襄漢之後閔謂汝實在行吾不疑也惟今有民有社殿最可考勉期增秩以自見焉可特授左朝奉

即

保義郎李嵩押川陝宣諭司御馬五十四匹準倫馬一匹到

闕轉一官減半年磨勘

勅具官某受馬於蜀而致之天閑可謂遠矣宜有以賞之可

四川宣撫制置西司保奏可屬趙不愚王序辰吳授朱良

弼王昭辰張洵等往來計議邊事應辦錢糧撥遣軍器有

勤勞並與轉官

勅具官某等朕知蜀將之賢可倚蜀兵之強可用蜀塞之險可

恃而念蜀民之獨困也西顧常閔上焉通諸侯校能為吾郊敵

安邊既論功行賞矣士大夫參幕畫料丁壯督饋饌吾豈忘之

哉其各進文階以應本約尚思協贊而長外禦內撫使全蜀無

虞三奏

定則予一人以懌可

武中書舍人兼直學士院劉珙磨勘轉左朝散郎

勅審官之法凡中外之臣率累歲月而遷焉况吾邇聯以言語

侍從為職其助我多矣豈止一二計功哉具官某以精明開濟

之姿藝文政事之才簪筆持橐事太上皇帝事朕積勞而不懈

入直則敷大典冊鼓動天下退朝則潤色名命與聞政幾用是

進階可謂榮而無愧矣尚思詔祿彌務盡規可

勅具官德壽宮劉貴犯位醫官成全大夫李師堯依赦轉西官仇

師顏同詞

勅具官某爾以博習方書通籍西內斯亦幸矣有司稽用赦令
優進官秩幸又甚焉勉稱其名毋隨而業可

武翼郎池州駐劄中軍統領趙思忠父端身故特與起復
勅具官某邊鄙未寧朕方遣戍若時裨校豈容服喪爾其被堅
執銳與士卒同甘苦庶幾得移孝為忠之誼而無衣錦食稻之
嫌不亦善乎可

掖垣類彙卷第四

掖垣類彙卷第五

周益文忠公集九十八

寧海軍承宣使提舉佑神觀邵諤父任忠州刺史致仕希
直特封成州團練致仕任

勅朕間朝西內親奉玉卮為父母壽然後信孟子之三樂而王
天下不與存焉言念群臣誰不知此其有保親之養者固當錫
類以寵之具官某躬積善行而無過舉力教其子謹愿有聞會
朕慕圖溥覃慶澤佩以團兵之印增爾乘車之榮尚其欽承益
介眉壽可
隨龍從義即趙衍依孫璫例除閣門祗候

勅具官某祖宗之世允隸名上閤者皆書之冊其重如此近世用人衆矣朕欲稍璘其選而爾繇攀附得之非幸也耶尚思共恪廉平以稱心渥母使人謂朕為私汝可

檢校少保安德軍節度使龍神衛四廂都指揮使克鎮江

府駐劄御前諸軍都統制張子蓋守本職致仕

正月九日

勅我太上皇帝之中興也首命將臣俊整我六師經營四方勲在王室象在雲臺始終無疵非明於知人能如是乎及倦于勤復起世將以授朕方倚之如長城恃之如爪牙乃以病聞屢上印綬雖欲不聽其去不可得已具官某忠足以衛上廉足以服

衆勇足以戡敵故分閫而師律振薄而重圍解志方馳於伊吾之北而病則止之嗟乎煎鬚可以已爾之疾吾弗靳也棄事可以延爾之生吾弗疆也汝往矣雖在里居毋忘我家之厚遇可故張子蓋贈太尉

勅朕遭時多虞注意用武允待爪牙之士皆如心膂之親而況紹興推轂之人循國克家之將驛傳計告坐念涕流故具官某凜忠義於天資以功名為己任蠹茲北狄犯我胸山御王命以暑行薄賊營而塵擊以天之道掃清蜂蟻之屯返旆而旋昭揭鯨鯢之觀之成偉績彌厲壯圖有整軍經武之志而未及施有

犁亢焚庭之心而未及究何稟生之不淑遂寢疾而莫興是用
峻升嘗武之官加界中金之賻貶恩而慶厥後足證以表其勲
萃此哀榮寄子震悼尚英魂之未泯聞休命以來祇可

太尉寧聞軍節度使主管待衛馬軍司公事李顯忠封贈

三代登極故恩

曾祖任皇城使贈太傅德明特贈太師

勅朕嗣昨之三日需惠澤於天下文武之臣自通籍而上皆得

褒崇其父母至於遠及三則不過二三執政與夫大將帥數人

而已惟與之者甚吝故受之者至榮恩禮並施亦維其稱其官

某躬稟義槩素多陰功肆其曾孫名位光顯屢推愍典貢于幽

阡茲頒慶孫遂冠槐位國家非常之寵爾尚歆享之哉可

故曾祖母楚國夫人野氏特贈秦國夫人

勅朕以涼菲之資荷太上付託之重方賴中外將臣竭力以吾

事眷其先世延以祿章是惟施惠於前蓋將責報於後也具封

某氏飭已正潔成家儉勤相後人位升掌武會逢大慶加昇恩

徒封三秦實通故里靈如未泯其必知榮可

故祖任拱備庫使贈太師中言特追封和國公

勅傳稱祭從先祖此言施于三代可也本朝待群臣則不然一

用其子孫必爵其父祖蓋有加而無已也故夫廟室之制遵豆

之數前以士而後以公卿者多矣而又何從焉禮遇優隆自我
作古具官其材氣豪邁重于金方積善有貽再世而大屢頒渙
塗發爾幽光茲以維師之官而賜諸公之履非特寵綏李氏亦
使凡為人孫者皆以念祖為心而自勉於功名不其休哉可

其九故祖母魯國夫人

氏特贈魏國夫人

勅婦人之譽生猶不出於相况百年之後墓木已拱則夫
懿行何自而發聞於世哉然世其子孫之昌或可知閨門之數
追褒甚彌不在斯手具封某氏蘊德靜專齊家肅敬流光
著姓鍾慶後人位正小君其已久矣魯大國也今朕猶以為偏
而從之魏魏吾故疆也爾尚陰相顯忠使助從恢復則山川土
田雖不及爾湯沐之奉獨不可無食以助其烝嘗乎可

故父任同州觀察使贈太師追封衛國公永寄追封楚國

公

勅朕祇紹慶朞月奉榮養思與四海共此慶澤故生者遷歿者
顯唯踈遠小臣無遺矣况夫司萬騎于內行三軍于外班在尉
府權重節鉞貴寵如此豈靳殊恩於其禰廟乎具官某負勳之
材而不忘肅恭積功戰之勞而不妄殺戮所蓄既厚利其嗣人
委以進褒躋登一品茲繇康叔之地改胙南荆之區非特廣朕

漏泉之仁、抑亦表爾教忠之効、尚有知也、其克享之可、

故母越國夫人柘跋氏、繼母周國夫人蒙氏、並特贈楚國

夫人

勅、邦君之妻曰夫人、古今一也、朕既推御極之恩、徹全楚之壤、以追寵將臣之父矣、願何愛小君之號、而不以加貴其母乎、具封某氏、電勉婦儀、修明閭政、幸哉有子、為國虎臣、高官厚祿、所以酬扞城之功、密印綬章、所以成顯親之孝、疏寵久荒於大國、從夫載啓於南邦、綸命告幽、願增光之未已、廟釗致享、尚垂裕於方來、可、

妻平陽郡夫人周氏、特封安康郡夫人

勅、朕觀鵲巢之居、詩紀榮盛、牛衣之泣、史憫厄窮、乃知婦人之貴賤、貧富、雖繫其夫、然亦有命存焉、具封某氏、天賦柔嘉、歸逢昌熾、副笄以處、翟第以朝、外命婦至於如此、亦可以為榮矣、惟郡國之小大、固有次第、茲子踐阼、廣爾脂田、願顯忠方、提兵于外、未皇內理家事也、爾其均鴈鳩之德、共蘋藻之祭、使爾夫一意、以成偉績、則朕所以寵其室家者、豈有既乎、可、

太尉吳蓋、獻錢五萬貫、與男忠、訓、即吳玟、轉一官

勅、具官某、太上皇克儉于家、於戚里、未有好賜也、日吾叔舅反

歸貲以贍國不亦難乎命爾遷官尚知所自可

節度使同知太宗正事士街贈少師追封咸義郡王

勅自諸姬既衰言宗室則予西漢然秉德如間平者財十三而荒淫顛覆相屬也本朝以寵名厚祿優待近屬而不敢以事諉焉惟擇年高德邵者付以糾合宗盟之任故生也尊榮無玷歿也保其令名軼漢從周世守勿墜故具官肇功流慶實自濮園維祖維父咸啓王社貴而能降富而不溢授以司宗之印有年于茲奄終壽考朕用痛悼既詔太僕輟視朝之儀復以絺冕玉紱告于而第哀榮備矣尚克享之可

張子蓋按發護聖軍正將權李寶軍統制官武功大夫吉州刺史符鎮擅離屯所契勘得即擅離上是不曾備坐出戍軍馬歸休指揮申鎮江都統特降一官

勅具官某以卑抗尊詞直且不可况未必直乎爾雖奉詔班師而不以告于統帥是亦罪也特簿耳故吾亦簿罰之可特授武顯大夫

左朝奉郎通判南安軍陳秉直躬部兵捕獲兇賊鄧五十
九等全火六十餘人特轉兩官

勅具官某郡有丞掌兵馬古制也汝居其官而能設方畧獲群

盜是亦職耳、何以賞為、願今媮懦之風勝、吏之失職者多有如
汝功、誠不可廢、優進厥秩、其益勉之可

犯贓除名人前成忠即趙忠寄居南安軍諳知地里說諭
賊寨傍百姓不敢從賊并獲正賊四名特與叙承信即

勅某人南方多盜、以姦氓為之地也、汝踪癘處、知賊根株既止
從不獲、何待有司言狀稍復故官、尚勵廉勤朕方使過可

忠翊即南安軍兵馬監押武成同處尉獲賊徒特與轉一

官

勅具官某獲戎一郡、克位而已矣、今汝獨能搏執寇賊、其功可

嘉命進一官、以為任職之勸可

右奉議郎湖州德清縣丞張蕃降一官

勅具官某傍郡獄疑、命爾鞠之、坐踰再旬、迺復規免、爾固懷安

矣、獨不念桁楊之繫、為可憫乎、削議即之秩、以戒慢公而避事

者可

光化軍僸候德懷廟特封助順文終侯

都視軍馬汪澈保
奏紹興三十一年

九月二十七日虜犯光化夜有鹿衝寨并舡筏度江風着
淺諸軍因而獲捷并傳虜見甲騎與廟像一同事

勅某神始完顏氏之脩好也、質之天地、告于神鬼、曰渝此盟罔

克助國及亮窮凶極惡舉成言而棄之、天既降威以勦絕其命

凡虜師所次神則致殛惟鄴城在襄漢間相國何之舊邦也聲
施後世威靈赫然却敵安邊法應祀典茲用不改漢謚而麗以
助順之名將使五戎六狄知得道者多助違天者不祥而常以
亮監云可
保義即衛百揆父經年九十三歲依紹興三十一年九月
大嘗必出爵以禮之是亦古之遺意歟有司言爾子在官爾年
應格故推宗祀之慶而以一命加焉往祗寵榮尚保終吉可

建寧軍節度使提舉江州太平興國宮天水郡開國公士
劉贈少師追封咸安郡王

勅朕觀安懿諸孫蕃衍奕世高族巨節相望於本朝王綬公主
交屏於帝室實維前人積行累功之效豈獨列聖庸勲曠近之
恩施及眇冲敢忘敦叙天不違於族老禮宜厚於閔章故具官
某襲慶仙承^都林近屬向以宗英司訓齊于外晚由祠館奉朝請
于中被疾久之于今已矣惟亞師於官為甚重惟諸王於爵為
甚尊併用追褒少紓悼念夫明德所以親族尊祖在乎敬哀榮
之間恩義斯稱尚英靈之未泯聞贈祿以來歆可

保義郎蔣州期思縣尉趙晟部領進義校尉劉瑜與群賊
黃軍二等闖敵身亡晟贈西官與一資恩澤瑜贈承信郎

與一字進義副尉

二月二日

勅具官某等盜發期思汝能死職進官錄後少慰忠魂可

量試宗子合格二百六人內趙汝弼補承節郎餘並補承
信郎各格雜犯附榜人趙師厚等一十人亦補承信郎展

二年出官

二月十七日

勅某人等太上皇親以璽綬授朕朕日承慈訓常懼德之弗嗣
永惟明俊德以親九族雖唐堯不敢後也故首下量試之令以

官支庶而爾等各負文藝應有司之格其錫一命使從官政子
夏曰仕而優則學七固無穹也毋以既仕而遂自止焉可

勅州防禦使浙西副總管秀州駐劄郭振除宜州觀察使

差遣如故

勅朕當饋而患無頗牧故創為十科下之有司凡秩觀風而上
者許以所知三人薦于朝蓋將廣拔擢之路也若捨舊將而未
用豈稱皇皇求索之意哉具官某知畧果毅有聞于時趣對便
朝察其可用故不待勲効而先以異恩加焉朕方愛惜名器砥
厲天下尺寸之遷不輕予人今獨超拜爾之爵秩非以其可與

共功名耶尚勉忠圖勿辜異眷可

泉州同安縣廣利廟靜應威顯侯加封靜應威顯照護侯

贊佑夫人加封贊佑敷惠夫人

累因盜賊侵犯邑人迎神入市靈應甚多遂保無虞

勅某神自古盜賊凶荒有非人力所能獨弭者故凡郡縣之間天必鎮以靈祠使視其不祥而被除焉此利澤所以周施災害所以不作也瞻言巖邑有赫北山廟食肇於唐餘封爵加於昭代暨乎近歲盼蟹弥彰朕既嘉爾侯有庇民之功復眷厥配有贊成之助稽參故實增衍嘉名尚其内外交飾益著顯効以圖稱上帝分命百神之意可

舒州宿松縣小孤山惠濟廟聖母已封安濟夫人連年調

發軍馬津運錢糧及舟楫經涉江湖軍民逐時祈禱皆有

靈應加封助順安濟夫人

二月十日

勅某神書曰至誠感神矧茲有苗乃者犬戎盜邊江淮雲擾而兵民利涉漕運無虞迄憑天誅醜類自北此神母之陰相而太上之聖德也予一人方承厥志經理中原相被叢祠屹臨衝要茲用加崇位號贊以書命庶幾因報功之典而徼福焉可

建寧軍節度使士劉遺表男忠訓即不尤乞依士太男換

文資特換右承奉郎

正月十三日

勅具官某祖宗時以儒科易武弁者多矣近世一切反之將門戚里朱紫蓋相望也豈於吾宗室之老獨有所勅而不徇其遺言乎寘爾東班尚識朕親上之意可

知內庫齊安郡夫人奏主管文字承信郎劉澤轉一官

勅具官某內命婦至於掌宮中之財啓湯沐之邑則其更事多宣父矣遺占有請其恐弗從進階之榮遂及府史尚思幸得勤於在官可

武翼郎劉績除閣門宣贊舍人

勅具官某故事官介諸使則解贊導之職惟實隸有上閭與夫顯立戰功者不奪焉爾嘗有牧圉之勞茲用寵之申命尚圖後效以答新恩可

從義郎江淮宣撫司提轄衙兵王寔招募神勁軍効用特

轉一官

十二月二十五日

勅具官某朕觀方叔元老克壯其猷然其車三千亦賴新田之士今吾樞臣集萬弩於江表而為征伐獯豸之計視詩采芑異世同符茲覽奏章巧麾下募兵之賞進官一等用答爾勞可

武功大夫馬軍司左軍統領董遇供職滿十年無過犯轉

一官與送郡刺史

二月四日

勅其官某爾為隊帥十閱歲華有統督之勤無曠瘵之咎肆稽
功令榮假郡章朕方捐爵賞以待殊勲爾勿累年勞而應常格
可

成閔御軍無律贖貨多私可落太尉在外宮祠婺州住居

二月十
八日

勅共惟太上皇帝德威聖武太足以駕馭豪傑小足以照臨將
士故環列之尹克位可也朕以眇躬初陟元后正賴熊羆之士
戮力一心內肅桎梏外攘戎狄若祈父官非其人則小雅之誚
興矣廢以馭罪惡可緩乎其官某奮身單微受國恩寵向為列

枝知趨事赴功冀幸爵賞及志滿意得遽負使令議者摘其過
愆多至數十雖更赦勿治而不可恕者二焉蓋朕日御便殿厲
師講武別勇怯齊部伍爾則馭軍無律拂朕之心朕儉於奉已
優於勞軍屢照將臣毋剝下毋貪利非公事毋輒役一卒爾則
贖貨多私干朕之法此而故息後復誰懲雖從罷免未塞輿議
尉安之府非爾宜居其以外祠屏居近郡夫御將之道賞與罰
而已賞當功則人勸朕無吝也罰當罪則人畏閔自取焉因著
厥辜用儆有位可

中衛大夫權發遣淮南西路兵馬副都監御前後軍統制

頃遇陳乞准西戰功并暴露賞及覃恩乞依孔福例陞帶
遥郡特轉遥郡刺史

勅殿廷之班橫階為貴又况益以諸侯之組豈不為將臣之膺
仕乎具官某勇可翹關忠能敵愾日緣苦戰身被重創幕府敵
功已加殊獎茲念宣勞之久且覃績服之恩升刺大州特為異
數邊虞未靖爾尚勉哉可

吳隣奏收復秦州擁上城人各轉兩官數內將官左武大

夫曹建轉拱衛大夫

二月三日

勅具官某異時秦亭控扼西陲踰為大府中罹寇亂城郭非其
故矣然蜀師得之可為保障之助此吾大將所以必取也具官
某稟承方略奮發勇功蚤孤既登雉堞隨陷因其叛授進以橫
階祇服異恩愈思自竭可

右武大夫御前中軍第七正將許章部押撫招及捉獲金

賊一百一人并家小五百九十三人到行在特轉一官

二月

五日

勅古者諸侯有四夷之功則獻于王今吾西師遠効戎捷或降
或執旅百于庭得春秋之誼朕甚嘉之具官某受命轅門歸俘
魏闕舟車萬里寒暑踰時寵進衡階用酬勞勩歸語爾師為我

擒頡利而致之可

親衛大夫常德軍承宣使主管建康府御前諸軍統制職事邵寵淵繳納逃亡事故人功賞告劄一千五百一道與除正任觀察使

勅功疑惟重蓋急於勸勞令出惟行固難於逆詐若乃績費成而恩普名雖在而實亡微良將言焉則吾賞借矣其官某竒寵福艾沉鷲驍雄比提偏師獨控六合有嘉宜始試軍乃於誕謾成風之時首為忠忱體國之計畫以虛籍上之司勳謂六國之印當銷而王成之候侯或偽助吾責實賴爾不欺將寓意於勸懲

特正於廉察申加寵命仍畀帥權夫兵無少多精則可用賞無厚薄當則為榮尚因見知善御而眾可特授廣州觀察使

右朝奉郎新除祕閣修撰知閬州吳犯御名用前任四川宣撫司主管書寫機宜文字功賞轉兩官

勅其官某爾父功在秦蜀朕心不忘命爾來朝曾未閱月而卿寺即省許之踐更龜紫文階錫命稠疊進封之寵至下及其室家猶以為未也升之論議之華付之藩宣之寄茲稽功狀復昇西官自朕嗣位推恩文武亦有如是之速且厚者乎歸拜親庭備言朕眷若夫忠孝在爾勉焉可

故武翼大夫秦州兵馬都監趙輻特贈西官與致仕恩澤
勅具官某虜犯海陵爾捐軀命名編死事家被賞延庶幾有知
歆我卹典可

秉義郎韓敏特贈三官與三資恩澤進武校尉耿興下班
祇應許進進義副尉鄭旺守關進義副尉張福守關進勇

副尉

崔謹劉進並贈承節郎與一子父職名更與一名進勇副尉並
於今年正月二日在臨淮縣北曹家庄陣亡
勅某人等邊郡之士敵致而戰固其職也抑朕不德無以格醜

癸未 自秉義至此俱是顯

虜使汝曹肝腦塗地如惜怛何進秩錄孤無其憾於泉窆可

武節郎成都府等路第一副將嘉州駐劄鄭祥承節郎嘉
州捷為縣尉胡欽若降授保義郎嘉眉州巡檢王忠各贈
西官與一資恩澤下班祇應成都府等路第一隊將嘉州

駐劄王彥贈承信郎與一子父職名並為紹興三十一年
十一月在捷為縣馬回山下與作過蠻人鬪敵陣亡推恩

癸未二月三日旨揮

勅具官某等夜即燹中之蠻侵擾縣道爾等觸白刃冒流矢以
盡人臣之節朕聞而傷之優進厥官賞延于世忠魂未泯尚知

饗哉可

吳璘軍統領官武功大夫王玠轉行右武大夫

勅西閣置使武階之高選也非有偉績不輕授人具官某報國惟忠臨陳則勇于堡之役傷甚而氣不衰卒成厥功威震醜虜其遷峻秩以勸三軍尚體異恩益思奮勵可

前執政某人落職饒州居住

勅大臣法所以責小臣之廉表民在此前車覆所以為後車之誡貳過可乎雖欲廢于官刑顧難違於公論具官某頃信帷幄命使江淮軍旅借曰未聞簞簞豈容不飾庶威奪貨曾罔念於

吉人盜器為姦忍自同於凶德惟處心之甚拙何決勝之能知旋繇臺諫之交攻聽解樞機而善去寢彈文而弗下示寵數之曲全豈其脩省之無聞復以悔尤而并案子孫貪墨不知遺楊震之清宗族憑依乃敢恣灌夫之橫宜絕殿帷之籍俾遷江介之居噫禮義廉耻以遇其臣朕固當存於恩意節儉正直而化在位爾寧不體于忱誠尚懲既往之愆思保有終之吉可

前執政子右承直郎某特降一資勒令隨侍

三月七日

勅具官某有司言爾貪暴有狀既累乃父矣於爾安乎少賸祿秩往奉詩禮之訓夫惟家有嚴君爾必不戾吾法父有爭子舊

弼豈遽貶哉母或尤人各思其過可

武顯大夫御前前軍同統制軍馬鄭思廉紹興三十二年

五月六日解圍原州陣亡特贈六官與六資恩澤合贈拱

衛大夫遙郡團練使

二月二十五日

勅春秋貴偏戰初不以成敗計也况能捐軀殉國而可無褒乎
其官某久在兵間見稱膽畧原州之役視死如歸朕惟旣焚猶
恐傷人忠厚思及行葦今聞爾訃痛悼可知盡錄孤兒峻加男
爵魂兮如在尚識我心可

起復武功大夫范旺王順武夫大胡成李玘並特轉遙郡刺

史翊衛大夫利州觀察使劉銳特轉親衛大夫右武大夫

果州團練使秦祐特轉左武大夫

十二月二十五日

勅向者虜窺襄漢涉淮泗吾士卒敵王所愾競欲先登而大將
閔智不足以料敵恩不足以撫下使爾具官某等有奔走之勤
而失恢復之機朕甚惜之雖然故疆無虞邊邑畧定衆服勞而
不怨則偏裨預有力焉其越邦彛賜之一轉或橫班弥峻或郡
級甚華勉圖雋功以遂前志可

忠翊郎閣門祗候孫德敦武功劉廣並為押馬綱倒斃三
十匹各降一官展磨勘一年

勅其官某等百金市駿骨設喻以求賢也若真買馬而道斃之豈不傷財乏也乎其詔貶秩如律可

右從事郎國大同循右儒林郎

勅其官某前歲以吾兵環荆襄陳蔡之郊閱時甚久見功甚寡然不廢吏士之賞者所以憫其勞也例遷爾秩尚識朕恩

楊亨轉遥郡刺史

亨係供內儀鳶御前祇應御前忠佐馬步軍副都軍頭該德壽宮轉兩資

內一資於見今職名上轉行合轉御前忠佐馬步軍都軍頭係一資礙止法為係隨太上皇帝龍特與依一般隨龍李進例轉行遥刺情給等並依李進例支破依舊本官祇應

勅其官某周以下士為幕人所以重其事也况汝早共帷幄攀

白另是一題

附太上比按赦令冠忠佐六資之例恩猶未已遥昇郡章廩給

加優復從近比徒以奉事君親之舊故於名器不敢愛焉尚識

朕心益勤乃職可歸正人營燮補承信郎

勅其人爾父捨逆歸順不幸功未究而繼以死錄孤之澤踰二

十年雖阻隔畿疆而王命不墜茲能自拔申昇前恩勿忘父冤

尚勉國事可

貸命自効人前拱衛大夫文州刺史韓林叙復修武郎二

六日

勅其人將而避敵在法當誅裁免汝官國恩甚厚蒙城之役焚

甚

虜帛糧既非雋功豈贖過姑繇大賚稍復崇班念我再生之恩毋忘九殞之報可

殿前司正將武功郎張珣昨提舉巡警德壽宮依赦轉西

官

勅具官某朕愛惜爵賞以待有功惟給事親側則無所靳爾嘗率其旅徼巡周廬例進西官尚知榮遇

昭化軍節度使嗣濮王士輅女夫司公度除閣門祗候

勅某人傳曰厚於仁者薄於義厚於義者薄於仁念我宗英老而無子間因賜對為壻求官本之人情寵以華職睦族固為仁矣合宜獨非義乎厚薄之分朕所不取可

掖垣類彙卷第五

掖垣類稿卷第六

周益文忠公集九十九

駁前饒餘杭知縣蔣安定改正罪名狀時暫權給事中

具位臣周某準中書門下省送到錄黃一道為九月八日奉

聖旨蔣安定元斷徒三年贓罪反絞刑贓罪并特貸命追毀出

身以求告勅文字除名勒停送潯州編管並特與改正所有籍

沒家財緣年歲深遠難以給還事令臣書讀行下須至奏聞者

右臣竊惟國家止設薦舉縣令之法蓋以職在近民所當重也

然廉平之政終無聞於世者非以懲惡未至耶按蔣安定身為

畿令而敢姦贓狼籍畧無忌憚置女僕求乳媪私事也既盜公

家之錢以償其直又抑勒手分保正以助之至於侵牟鋪戶虧損銀價殆及一百七十餘千凡買書籍饋過客取諸官帑如探私篋總計其數至六百緡事發之後乃牒縣以職田撥還罪狀如此已經伏辨而謂之賊證未明可乎况法寺定斷之後未嘗在鞠若徑許改正則自以往凡居官嗜利者何憚而不情為攫攫金哉且祝富無罪乃疑其為盜而掠死之禁繫孫福至使自刎人命至重曾不加卹其殘酷甚矣違法置收支之歷欲折七之欲毀毀之一切任意其不遵法令甚矣貸命流竄理亦宜然累赦之後忽求叙雪此何意也况刑部申省改正乃在三十年八月經隔二年有餘方與取旨則是朝廷已知前日定斷之為允故疑之也若謂近經大需則叙復自有常法付之有司足矣何必因其自陳而廢格已行之命以啓僥倖之門乎臣愚欲望睿慈將上件改正指揮特賜寢罷庶幾貪吏稍知戒焉所有錄黃臣未敢書讀謹隨狀繳進以聞伏候勅旨九月十三日省同奉聖旨依奏前降指揮更不施行

論婉容翟氏位官吏礙正法人轉行狀

同金安節

給事中金某權中書舍人周某狀奏準中書門下省送到錄黃一道為婉容氏翟進封本位官吏並合推恩內礙正法人特與轉

行令臣等書讀須至奏聞者右臣等聞勲績著則品秩崇則恩
數厚故凡文武官之平進者皆為法以止之不可踰也近者
太上皇帝推扈從實賞

陛下肆登極之恩可謂事大體重矣然其間有法當回授者未
嘗轉行豈容掖庭奉事之人獨越此例其數雖微其原不可啟
也臣等欲望聖慈將上件礙正法人特與轉行指揮速賜寢罷
所有錄黃臣等未敢書讀謹隨狀繳進以聞伏候勅旨九月二
十九日三省同奉

聖旨依奏賢妃婉容位官吏轉官礙正法人並依條回授

紹興三十二年九月己未某 兼西掖之二日有旨婉容
翟氏進封本位官吏並合推恩內礙正法人特與轉行是
時給舍例同銜繳駁某密語安節妃嬪位非中官即醫流
皆礙正法前 德壽推江上扈從實賞

上今覃恩並不轉行止令回授似當論奏安節歎曰君言
是也近夏賢妃位推安節實未晚已書讀行下今恐相戾
君自繳奏可也某曰若爾尚可商量庚申講筵安節與某
各以職事先後留身初不知安節奏何事某待班庭下望
見安節再拜殿上安節退而某升甫至榻前

上迎勞云朕初止謂卿能適文金安節說卿欲論婉容位轉
行礙正法事不謂卿剛方如此可便進文字來方悟安節自
引前事以為失也章既上

御批十三字云依奏夏妃位官吏亦合依條回授此舉上可
彰

聖主從諫如流之德下亦著安節事君不欺之義他日史氏或
有考焉

繳李觀鄭孝禮轉官詞頭狀

十月七日

具位臣周某某准中書門下省送到詞頭一道李觀鄭孝禮等依

隨龍人例轉三官事令臣書行須至奏聞者右臣聞法者萬世
之當守例者一時之所行近日之弊正在於用例破法每開一
例則轉折攀^援無有窮已槩之成法皆戾多矣今李觀鄭孝禮等
自陳遭遇除皇子立皇太子

皇帝登寶位係在潛邸遂許依隨龍人例減半推恩臣竊疑焉
使觀等果隨龍耶則當盡與恩數不減半^應使其非隨龍耶則凡
小事尚不可用例孰謂隨龍而可以為例乎臣愚欲望聖慈明
照有司取見觀等元係潛邸是何職任係與不係隨龍正其名
而與之庶幾上無僭賞下無虛受用例之弊自令得以少革亦

助治之一端也。所有詞頭臣未敢行，謹錄奏聞。伏候勅旨。十月十四三省同奉。

聖旨李觀等正係隨龍人為兼祗應已減半推恩可依已降指揮施行。

繳士彥用減年轉官狀

十月九日

具位臣周某某准中書門下省送到詞頭一道為皇叔蘄州防禦使士彥用恩平郡王璩減年磨勘轉官事。令臣書行須至奏聞者。右臣竊見南班正任十年一轉須用實歷。初無回授之法。又宗官歲得減年依條許與子孫。遥郡刺史以下收使。陛下

初承大統動遵成憲如士彥磨勘有不可者二焉以尊卑論之於恩平郡王璩實視叔祖今乃用姪孫減年於法為不合於體為不順一也法許用之於遥郡刺史以下今乃施之於正任防禦使以上相去遼絕何翅冠履二也止緣近日士峴士歆程等皆因兄弟陳乞一例與之故習熟見聞以為當得朝廷既不以為過受者亦不以為恩臣恐祖宗舊法日益隳壞甚可惜也臣愚欲望特降睿旨追寢前命仍詔大宗正司自今於法有礙者毋得循例申請雖得指揮亦許吏部執奏不行其間宗室或有行藝顯著操履不群者自可撫其實狀保明聞奏陛下特與遷

轉以示敦睦激勸之指則於人情法意兩得之矣蓋爵祿自上出則善者厲名器不輕假則僥倖息臣所論非為一士奏也惟陛下圖之所有詞頭臣未敢書行謹錄奏聞伏候勅旨十月十七日三省同奉聖依奏

繳王夫人位手分狀

十一月一日

具位臣周其准中書門下省送到錄黃一道十月二十九日奉聖旨崇國柔明淑美和懿王夫人位手分強興祖罷本位差錢塘縣貼書黃賢世填手分強興祖名厥祇應請給並依強興祖則例支破令臣書行須至奏聞者右臣竊惟人主命令朝出於九重夕布於百司一有訛宜為累至太崇今國夫人位遷補胥吏瑣尾甚矣若因本位陳乞令有司與之無不可者何至煩御寶於內而降錄黃於外使四方聞之謂勅差錢塘縣貼書無乃有傷國體乎蓋緣禁中書文至多陛下無有詳察若因臣言即賜追寢則自今以往無敢以猥末上瀆聖聰者以所有錄黃臣未敢書行謹錄奏聞伏候勅旨十一月四日三省同奉聖旨依奏前降旨揮更不施行

繳駁蔡仍叙官狀

十一月二十一日
上同金給事

具位臣金某具位臣周其准中書門下省送到錄黃一道為前

左朝散大夫賜紫金魚袋蔡仍依赦復元官事令臣等書讀須至奏聞者右臣等聞孔子之言曰赦小過又曰周有大賚善人是富若乃生則迷國不道沒則荒禍無窮其子孫豈可下同小過而例霑大賚之恩乎按蔡卞陰賊儉巧遠出京右紹聖以來挾紹述之說濟姦欺之實履霜失戒馴致堅冰此邦之讐民之賊也今若使其子得以赦原復正即位則宿姦巨蠹之後皆可復齒仕籍失政正刑矣惟陛下明詔有司毋泥文而啓姦庶幾為惡者稍知懼焉所有錄黃臣等未敢書讀謹隨狀繳進以聞伏候勅旨十一月二十二日三省同奉

聖旨依奏蔡仍叙官指揮更不施行

繳曹峒等轉官狀

十二月三日

具位臣周某准中書門下省送到詞頭一道為京東路招討使李寶申昨膠西及海州與金人見陣數內左從政郎主管羽檄軍書文字曹峒乞優異推恩奉聖旨特與改合入官仍更轉兩吏部稱已改宣教即今來合轉左承議郎又楊存中申御營宿衛使司一行官屬等防托江面並依葉義問等例推賞數內左迪功郎衛博右迪功郎陳瑒各轉兩官考功稱未嘗有考第合循四資吏部勘會與此類軍功補盜格衛博將一官改轉左承

奉即陳瑒將一官改轉右務郎令臣書行須至奏聞者右臣竊謂軍興以來功賞冒濫固多矣然以戰鬪為辭真偽猶難辨也至如一介書生偶從辟召則其智畧之深淺才力之勇怯最為易見今乃或以貲結大將或以力脅有司夤緣僥倖驟進官簿儻置而不論則廉耻衰矣按曹岷以財雄於江陰方李寶膠西之捷蓋潛師涉險所致曾何羽檄軍書之有岷既用此為名特改左宣教即已過所望若更轉西官不太甚乎此臣所謂以貲結大將者也衛博陳瑒並為宿衛使司准備差遣閱日甚淺勞効可見結局之日皆轉西官當時特用樞密行府例依條施行賞非不厚而考功檢照二人全無考第當循四資吏部輒引葉義問續取到特與改轉指揮曲為申明遂致朝廷亦與此類軍功補盜格此臣所謂以力脅有司者也夫考績必計歲月改秩專用資歷若因賂而授以計而得將何以勸有功之士塞無厭之求乎臣愚欲望睿慈特寢曹岷更轉西官指揮其衛博其瑒止令依格循資庶幾少抑僥倖上裨總核之政所有詞頭臣未敢書行謹錄奏聞伏候勅旨十二月五日三省同奉

聖旨依奏

繳別廟用樂狀

十二月十一日

具位臣周某某准中書門下省送到錄黃一道為_來追冊皇后
祔享太廟合依見今薦享別廟懿節皇后禮例用樂行事內導
引儀仗鼓吹今欲乞備而不作事令臣書行須至奏聞者右臣
竊惟薦享宗廟為祖宗也故以大包小雖別廟無嫌於用樂今
祔廟之禮專為安穆皇后也豈可與薦享同日而語哉竊見禮
官申請尚有未盡臣愚欲乞將來安穆皇后神主至大廟祔謁
諸_宗用樂舉行事外所有別廟奉安之際則乞備樂而不作蓋
用於前殿是不以欽宗之服而廢祖之禮也停於別廟是懿節
皇后安穆皇后為欽宗服制未畢而少屈也如此則於禮為順
於儀為允所有錄黃臣未敢書行謹錄奏聞伏候勅旨小貼子
臣竊見昨來德壽宮奉上册寶不惟仰事君親兼亦係是嘉禮
然猶不欲作樂則於今日尤當別嫌伏乞睿照十二月三十日
三省同奉

聖旨依奏

繳高堯咨轉不當狀

十二月十四日

具位臣周某某准中書門下省送到詞頭一道為無為軍巢縣知
縣高堯咨措置召募萬弩効用轉一官本軍通判王獲與減二
年磨勘縣尉張覺民減二年磨勘令臣書行須至奏聞者右臣

契勘江淮宣撫司元申請萬弩營推賞指揮節文兩淮知縣勸諭土人或寄居使臣等自能召募及百人白身補下班祇應有官人轉西官某知縣能率先勸誘就緒亦與保奏推賞昨於今年九月內使臣楊信自借兌錢物招到八十六人遂得轉一官減二年磨勘此則應自能召募之賞也是月盱眙昭信西縣催促勸誘招及百人各減二年磨勘此則應率先勸誘之賞也今無為軍巢縣此之盱眙係近裏州軍高堯咨雖名為躬親措置募到一百三人其實以縣道事力委之公吏分頭辦集甚不為難比之自能召募萬七不侔只合依盱眙招信體例作勸誘就緒共減磨勘二年今乃用土人自行召募之賞遂以西官分昇三人則與元初指揮實為背戾欲望睿慈付有司檢照上件事理速與改正庶得允當所有詞頭臣未敢書行謹錄奏聞伏候勅旨十二月十七日三省同奉

聖旨依奏

申省論朱霖狀

準中書門下戶房送到詞頭一道為朱霖進納補官事尋施紹興三十一年元降獻助指揮係令知通認數交納依等第保明申轉運司審實擬定合補官資先給公據後來雖有三十一年

十月二十六日都省劄子據憑陳乞文狀先次放行亦謂已納錢之命而吏戶部非理取會行遣留滯者今來契勘本人願獻錢八千貫方且告示送納即是未曾齊足無大理寺既看詳本人因與外甥情涉從杖一百科斷雖不錄問即非枉被刑責難以補授文資并吏部擬本人前御稱鄉進士據狀元只稱係州文學生緣此未敢貢命詞須至申聞者右謹具申中書門下省乞下所屬更切契勘施行仍乞於今年十月二十六日都督指揮劄子內添入已得納錢公據方許陳乞推恩一節庶幾不至冒濫

望繳張宏特支請給奏狀

正月十二日

右臣準中書門下省送到錄黃一道正月九日省同奉聖旨殿前指揮使左班都虞候榮州刺史押行門奏万福祇應張宏可特與支破帝希遙郡請給者右臣伏聞仁宗皇帝時屢下詔書推劾干湊請內降之罪嘉祐二年鎮海軍節度觀察番後李璋用此轉官為諫官陳升之劾奏罰銅三十斤著在國史永以為憲近者陛下命郡臣條陳時弊其間多以此事為言竊謂聖明必賜裁擇今檢照張宏特支遙郡請給事因既非御筆又非寶批止用白劄子而已臣不知此命何自而出幸付三省尚可進呈

設若指授百司亦用方寸之紙奉行則難辨真偽不行則輕損
命令甚為陛惜之况宏一班直之長耳去秋已嘗特支全分請
給緣戶部報奏而止今總數月乃復寅緣請託紊煩天聽此之
李璋貴賤殊絕尤不可以無徵也臣愚欲望聖慈收還前詔仍
用仁祖故事將宏量加責罰以示四方以為後戒所有錄黃臣
未敢書行謹錄奏聞伏候勅旨

請早開講奏狀 二月七日

右臣今月六日伏見中書門下省錄黃奉

聖旨開讀用三月十一日者恭惟陛下聖質天成學道日就固

不待分章摘句乃能多聞而有獲也然學之為王者事其已久

矣國朝講開之制春以二月上旬今乃遠用三月十一日非獨

距任講之期至近其間講讀不過十餘日而以陛下勤於治

道咨詢無勌而又收召豪傑並寘經幄彼皆日夜望賜清問之

燕致緝熙之助若緩其所當急而使講藝論道之風稍缺於初

政甚不可也臣更不敢繳奏已行之命欲乞睿慈依去年秋講

例直降聖旨特就近於二月中旬擇日庶幾中外曉然知陛下

汲汲皇皇如古之聖人且於祖宗開講之制不悖臣不勝惓惓

惟聖明裁擇謹錄奏聞謹奏

繳道童度牒狀

其位臣周某某准中書門下省送到錄黃一道尚書省送到禮部
狀准紹興三十二年十月二十七日勅奉聖旨邵興三十二年
會慶節太一官道童陳定一秦混一陳真一並與依例賜度牒
披戴本部勘會新法綾紙度牒依指揮臣寮恩例及試經撥放
并給降支使等並依已降指揮住給雖奉特旨禮部執奏不
行今承指揮太一官道童並依年例特賜度牒披戴緣有礙已
降住給執奏指揮十一月二十三日奉聖旨特依已降指揮仍
免執奏者右臣聞之一人無則移百官舉職惟治世乃可議此陛
下以道流幸遇誕節賜之度牒茲惟常理初無私也然禮部乃
謂有礙執奏指揮是舉職也若不俯從則臣恐下懷苟且之心
他日無以責其守法臣所惜者蓋在此而不在彼也所有錄黃
臣未敢書行謹錄奏聞伏候勅旨

與宰相論李申甫改官申劄子癸未見

李近見朝士云李申甫特改宣教即賜緋朝廷不令經由後省亦不關
執諸處往付吏部出告矣某初聞之不信也蓋以朝廷若欲密
用申甫故優進官秩則給舍亦豈肯沮格成命以壞幾事若止
謂不欲宣布則批旨出劄子之時堂吏知之劄付吏部則長即

官當行胥吏皆知之既到告院則主判之官寫書之吏又知之何獨閔防給舍如此此某初聞之所不以信也明日以問給事中及當舍人則皆曰未見錄黃某於是疑焉久之乃知吏部止憑三省樞密院機速房劄子而已毋惑焉朝士之云云也其惟相公以精識願望任天下之重正宜循守法度大振紀綱使人主有所敬畏國人有所矜式今此舉頗異前聞諸公既未深思而遽為之有司又不知體而奉行之若每事如此大亂之道也願相公勿以遂事為是明諭機速房自行檢舉關報所屬收還元降劄子書黃行下猶足以彰改過之善而弭不知者之謗未審鈞意以為然否又伏覩二月三日聖旨盡以堂閔歸部此朝廷厭紛紛之求亦至公之道甚盛舉也然累日已來小使臣如浙西安撫司指使推貨物號簿官諸州贍軍酒庫之類除授紛然外議籍籍皆謂頗類郡守監司將代之際乘時周旋人情萬一言者有所論列則前日之美意不幾於自壞乎亦願相公白諸公亟止之某備員官屬又辱知照偶有聞見不敢默默若揚已而歸非則其所耻也惟公相察之

知人繳駁龍大淵曾覲差遣狀

三月十二日同給事中金安節

准中書門下省送到錄黃一道龍大淵除知閣門事曾覲權知

閣門事令臣等書讀者右臣等聞舜之稱堯有曰稽于衆舍己從人夫堯以如神之知其臣莫及彼衆人區區見之豈能裨贊萬一哉然帝終不拂百姓以從己欲是乃所以為聖也聖人於己欲尚且能舍而况進退小臣豈繫輕重何必拂諫爭之忠信啓天下之公議乎臣等於大淵覲功過能否初不詳知但見播紳士民指目者多又聞臺諫相繼有言臣等亦不知其所劾何事也今大淵罷副都承旨覲罷帶御器械並以閣門處之論職事則或捨劇而就閑論班次則皆遷矣尚使二人不因紛紛擢寘此地尚有可諉曰恩也顧外議方喧而除命遽加論者必謂陛下自即位以來凡臺諫有所彈奏雖兩府如葉義問大將如成閔以至侍從要官欲罷則罷欲貶則貶一付公論畧無適莫獨於二人乃為之遷就諱避非帝堯稽于衆舍己從人之義也臣等若奉明詔則臣等負中外之謗大臣若不開陳則大臣來中外之責陛下若不俯從則恐中外紛紛未止也况二人者攀附惟獲過此以往事君之日甚長儻其謹畏有加何患身不富貴今若輕犯怒不少退聽是陛下將欲愛之適所以害之非計也所有錄黃臣未敢書讀謹隨狀繳進以聞伏候勅旨三月十日三省同奉聖旨給舍未知功過臺諫止是防微罷劇就閑

戰當作啟

已况公論尚茲回繳可特依奏龍大淵已辭職在假候參假日
別與差遣曾覲依舊帶御器械

與史丞相劄子

三月十五日

某伏蒙鈞慈親煩掾屬示以曲折非相公憂國之心切待下之
道周豈易及此某雖不學然其心之所存相公固知之矣使宗
社尊安身名俱泰豈非榮願不幸至於不可已之地而又委
靡苟且則上負國家次累知己為世大僂相公亦安取此為今
之計使二人者出奉外祠則士氣自申公論自息然後某自
以私計或疾病為請求一宮觀差遣仰以釋聖上朋儻之疑下
以解二人報復之怨此上策也某非不知思權時之宜為停之
策但若不決去則此輩必謂士大夫可以爵祿誘可以威命脅
一墮其計人主信之愈堅任之愈篤禍發蕭牆毒流華戎是
時相公任天下之責殆有甚焉故某以謂莫若使臺諫給舍因
此二人稍引去庶幾聖慮稍回知士大夫之不可輕近習之
不可親易軌轍而新之猶為報國也古人尚以尸諫况因去就
而有所益則亦何憚而不為哉古今未有自宰相至百執事人
主一切輕視而能治天下者惟公相念大臣以道事君不可則
止之言而審處焉某感激春憐固已素定若相公垂紳廊廟無

階瞻望則願因書時有所異獻異時成功名遂奉板輿以從赤
松亦當不憚重趺追陪下客惟相公念之

而旨同金給事待罪狀

三月十四日

右臣等昨奏具龍大淵曾覲不當因臣寮論列遷知閣事蓋以
職事所在思効其愚若夫從違惟上所命今日蒙宰相呼召至
都堂宣示御札大畧謂臣等為人扇動議論群起且諭以在太
上時小事不敢如此則是臣等智職庸暗昧于事體不以事大
上皇帝者事陛下專徇流俗輕瀆聖明為臣如此臣當萬死臣
等見歸家待罪伏望重賜誅斥以為百官之戒臣等無任惶懼
俟命之至三月十五日三省同奉聖旨不允無罪可待

再同給事乞罷黜狀

十八日

右臣等近緣繳駁失當家居待罪伏蒙聖慈特降睿旨謂其無
罪可待尚寬嚴譴恭惟聖主海涵天覆之恩非小臣糜捐所能
仰報然臣等竊惟明主嘖笑為天下慘舒威令所加孰不震怖
今臣等輒以愚瞽輕黷宸嚴上勤聖明親御翰墨曲垂宣示臣
等仰觀內悸無所措躬深悟愆尤甘從誅殛今欲蒙矜宥特屈
刑章而臣等自惟所犯非輕乃茲幸免不惟孤恩負罪有愧班
行亦恐公議有所不赦所以恐懼慙汗不避冒昧之誅而為是

再三之瀆伏望聖度兼容皇明委照或未忍遽加誅戮即乞重
賜竄責以明邦憲以徹官聯庶橐自甘屏息俟命謹錄奏聞伏
候勅旨三月十八日三省同奉聖旨不允

乞宮觀奏

左奉議郎試起居郎兼編類聖政所詳定官兼權中書舍人臣
周某狀奏臣輒瀝血誠仰祈聖造伏念臣先瑩多在吉州惟臣
毋葬信州父欲遷奉緣臣備數于朝力所未能爰自今年正月
屢經朝廷陳乞假告繼又力請外祠而宰相不為敷奏因循至
於父子之心晨夕不遑緣此心愧怔忡居常抱病安能纂修計

注攝贊書命必繇曠職重抵司敗之誅若非觸冒萬死投誠君
父則進退失據誰肯為臣言者伏望聖慈下臣此章宣問宰執
如臣此果因遷葬乞去非敢矯妄即乞授臣宮觀一次使遂其
區區之志今齒髮尚壯它時或有繁劇任使雖赴湯蹈火所不
敢辭輕犯天威臣無任震灼俟命之至謹錄奏聞伏候勅旨三
月二十八日三省同奉聖旨依所乞差主管台州崇道觀任便
居住

掖垣類彙卷第六

掖垣類彙卷第七

周益文忠公集一百

乾道八年正月任禮部侍郎兼權中書舍人右朝奉郎權

尚書刑部侍郎兼詳定一司勅令王秬除集英殿修撰知

饒州見任仍別與差遣

七年十月十三日指揮

勅自楚東告饑朕數下省賦移粟之令念非臨遣見大夫無以

布宣德意會予司寇力上均勞之請因能而任朕得之矣具官

某雋明通達忠信慈惠久居是邦又嘗以使者節臨之上下相

安為治易耳茲用加爾以書殿之華職佩爾以二千石之印綬

既從所欲亦又我民夫周之荒政漢之循吏布在方冊有本有

末尊爾所聞行爾所知使千里之間吏畏而人愛流徒者歸困窮者給期無者於素學尚勉之哉可

左朝散郎湖南提刑陳從古除湖南運判

二月二十五日旨揮

勅具官某去歲湘部有豐有歉朕夙宵注念惟懼一夫不獲布

宣會澤不在良使者乎爾家世文儒才猷峻茂選繇郡最擢按

祥刑肇褰車惟亟易漕節事權加重能勿誨乎夫養民莫如德

理財莫如義衷多益寡天之道也平徭簡賦朕之心也毋匿斯

指益圖爾庸可

右朝散郎直祕閣前江西提刑陶定除荆湖南路提點刑

獄公事

十二月二十五日

勅具官某前有司謂爾調兵侵官收其使節朕惟一且日難於掩德觀過足以知仁古今之通誼也茲庸起爾按刑於湖湘寧不謂爾廉介公勤臨事弗苟故見思款爾其往哉正身乃能正人聽訟不若無訟敷我德意用康遠民可

戶部郎官湖廣總領呂游問直顯謨閣知襄陽府填見闕

所委點檢聞軍點不得滅裂候事畢李安國到日方得前

去之任任滿前來奏事

十一月二十一日

勅具官某襄為古郡今號邊藩有兵有民實籍綏撫久矣擇

庶其在茲爾食德相門宣勞膺仕林猷之美中外具寓直貽謨
往膺閭寄昔之良守多矣而羊祐之名獨傳蓋綏懷得江漢之
心墾田十年之與我共理不當如是乎勉悉乃心毋曰前人之
不可及可

戶部郎中李安國除太府少卿總領不候授告疾速朝辭

訖起發前去十一月二十一日

勅其官某國家養兵百萬雲布於江淮荆蜀之間置治粟使者
四擇列奇介卿若尚書郎畀之其在武昌者總六道八十郡賦
任隆事移甲於三方以爾有肅給䟽通之才濟受人利物之心
是以明而不苛辨而不擾則屬版部有華厥聲擢佐司府往督
餉道外計之重殆無復加夫衛民者兵也瞻兵者民也用不可
以不足力不可以不裕二者兼濟則汝子嘉可

直祕閣知盱眙軍龔職事修舉可除直徽猷閣十一月二
十一日

勅其官某國家閒暇守邊城者雖微扞禦之勞然久於其官使
斯民按堵撫字無曠是亦能矣升華內閣寵以璽書毋替厥勤
益觀來效可

右承事郎直祕閣權發遣徽州趙師夔起乾道七年上供
絹八萬一千七百六十餘疋每疋重一十一兩以上戶部

保明推賞特轉一官正月二十二日

勅具官某古者帛精麤不中數幅廣狹不中度不粥於市况可
共公上手爾才裕為州首獨宿弊貢篚應有司之式蠶桑無徒
費之工計臣以聞朕甚嘉之進官一列使奉公享上權焉可

紹興十八年五月十四日朝旨徽州乞將上供絹依
祖宗舊制作十西為疋輸納戶部勘當依本州所申

軍器少監兼權度支郎單夔差知湖州填見闕正月三日

勅具官某地方千里付之守臣條教若否人情之休戚繫焉况
吳興古號之名邦今為近輔丈二之組朕不輕畀爾以才諳自
昭于時選繇周行往治茲土為政有要吾其語率屬欲正撫民
欲寬泣事欲勤御吏欲嚴能是四者斯良牧矣可

左迪功郎太學錄汝永在任正月二十七日

勅具官某爾以經術起家見謂疆茂成均列屬三載于茲士既
汝安予則因任夫賢士之所關風化之所由非特攷其藝能稽
其失而已學者必以規矩尚有助哉可

敷文閣直學士右太中大夫提舉江州太平興國宮方滋

差知紹興府二月十七日

勅會稽北抗浙河右界滄海生靈富庶貢輸浩繁東南莫京有
自來矣巡守吳會又為輔藩如周洛師如漢馮翊謀帥加重異

手它邦具官某敦厚閑達惠和通敏名字典郡越三十年閩廣
江湖五為方伯踐歷休顯疇出其右是用命汝尹茲東郊假爾
斧鉞釐爾組綬於虔念茲提封七州人則胥傲爾撫民孰敢不
仁爾訓兵孰敢不精勉圖治功毋使嚴助之間久不聞也可

左從事即充詳定一司勅令所刪定官祝棟劄子來年正月

六十一十日合該磨勘乞依惠例民令世修例改次等宣義郎

將宣教郎一官回封父即温

十二月二十三日
聖旨特依所乞

勅某人爾之良子有譽于朝願貶一官為義方之報雖微前事
猶不難於出令况援比可從者乎祇服命書益緩後福可

龍圖閣直學士左朝奉大夫提舉江州太平興國宮周操

除太子詹事 三月十一日

傳

屬

勅東宮設官雖衆而師傅賓客常虛位不置惟端尹為之長職
間無事異時率以近臣兼之今吾子好賢重士允迪三善何惜
備官助其進德哉具官某履道醇固持論英亮拾遺執憲風采
凜然典銓治民聲實文著俾踐厥次莫如汝宜夫不勞爾以有
司之情將專責爾以輔翼之實温文恭敬固曰夙成正事正言
亦由日告茲維遴選可不懋哉可

權工部侍郎兼臨安少尹沈復除權戶部侍郎 正月十一日

勅舜命司徒在親百姓禹稱善政惟叙九功眷時敷教之官實
任養民之寄孰明古誼我有通儒具官某蚤以文鳴中繇材奮
善處劇煩之際靡刑聲色之間比貳冬卿參釐天府嘉乃政聲
之郡知其心計之優移左劇曹益高邇則朕方力修政事躬率
儉勤念版圖之人有常而軍國之須無藝必欲兼濟莫如得人
爾其權錢幣之重輕究貨財之本末毋之吾事毋傾利願禪子
既庶之人馴致無彊之說可

權戶部侍郎姚憲除權工部侍郎兼臨安少尹

正月十一日

勅列事官於禁路均曰邇聯助尹正於儲闈難乎上介即二卿

原是

之已試考三輔之前庸豈必他求是加因任其官某性資勤
術畧通明轍環畿甸而治最有聞職總貨財而原無壅肆頒壘
組改畀兼官今土木不與戈矛已礪若時起部允謂清曹惟
駐蹕之邦昔汝撥煩之地自元良之莅止舉庶俗以宴如析楊
之繫既空廩庾之儲寢積爾其奉承教令革異時一切之規宣
布中和示他日四方之則任吾之責繫乃之功可

權吏部侍郎張津落權字

正月四日

勅古之銓選任人後之銓選任法雖然為之貳者能悉其聰明
行以公正使宣者通枉者伸視古人其庶幾乎朕方責成厥有

申命具官某祥符樞臣之華曾宣和學校之儲也閱今昔之理
衆矣更郡國之事多矣典君選固宜優為茲疇爾庸就正厥序
凡按格而與校年而遷成規其存朕復何訓若夫人才之傑異
績効之彰聞時為朕言之罔俾智愚同滯能否無別以歸咎於
吾法古之道也汝尚勉旃可

直祕閣知安豐軍張士元職事修舉特轉一官令再任二十

月三日

勅具官某六蓼舊墟控臨淮水蓋今之北鄙而汝之故鄉也為
二為守于茲八年固圉撫民勤則多矣進階加職榮亦甚焉因
任爾能載增厥秩益圖治效以尉邊氓之心可

觀文殿學士左通議大夫提舉臨安府洞霄宮汪澈特與

轉一官致仕十月三日

勅祖宗以來一命之士凡致為臣必增秩寵綏之所以旌止
足全始終也矧予奮弼引疾告歸禮之所加滋不可緩具官某
高明寬厚莊重簡廉本之以沉職輔之以篤學踐更二府休顯
有聲久安燕間何遽請老雖頒詔諭莫得而番夫繇布衣以經
術起家得時行道致位樞輔安車就第身名具榮如古之卿大
夫者斯亦鮮矣其進階一等示朕念舊優賢之意焉可

汪澈特贈左金紫光祿大夫 十二月三日

勅得謝垂車猶思體貌之敬告終易箒何意服肱之虧祿以愍
章紆予震悼故具官某業履端厚謀謨靖深名高肅政之時勲
著護軍之日受知 太上變元化於辰階被遇冲人運前籌於
宥府雖衮衣之浸遠亦符竹之屢分二疎知足之風甫從而志
一老不遺之歎遽惻我心誕頒書命之華超陟文階之峻噫鄭
元寢疾居有己辰之嗟知悼在堂固無子外之樂尚歆徽數永
耀泉扃可

武德大夫克四川宣撫司提振諸綱進馬王世雄部轄本

司僭積到堪好西馬五百匹赴御前交納了當轉一官支

犒設錢三百貫 十二月十五日

勅具官某馬俵蜀漢道阻且躋汝總效牽其群孔阜厚加賜予
優進官聯既旌厥勞亦勸來者可

右朝奉郎陳唐弼主管官告院虞似良並除大理寺丞主

管右治獄 正月十六日

勅具官陳唐弼等唐虞之時畫衣冠而民不犯然猶有欽恤之
戒况於後世何敢非刑爾唐弼疆明不私爾似良修潔自好或
賜對便坐或拔尤周行並丞士師時乃簡擢惟良折獄尚忱念

哉可依前件、
直敷文閣福建運判呂企中除福建路提點刑獄公事填
趙子英召赴行在闕候任滿前來奏事正月二十五日
勅具官某七閩地狹人衆為生其艱故其民亦重犯法然東際
海南接炎嶠西入贛境風潮出沒之姦山谷走集之盜控御失
所或害吾治按刑之任非人可乎爾才具恢閑不墮世美茲繇
漕輓就寄平反即舊部則吏士相安假繡斧則使華增重往因
其俗體我好生可

右朝散郎陳峴除福建路轉運判官填見闕正月二十五日

勅具官某書曰敷奏以言明試以功虞舜之治顧不出此乎今
閩部益筭浸壞公私病之汝來自鄉邦列上八弊有味乎其言
也何愛一節不試汝功雖然言弊易抹弊難朕方懲誕謾之風
求利民之實言底可績何陟明日奏罔功寧容佚罰汝大臣
子號稱通才毋瘵厥官以若台訓可

右朝請大夫前知復州張璠差知常德府知萬州趙公廩
差知利州幹辦行在諸軍糧料院王瑛差知德慶府正月
二十七日

勅具官張璠等武陵地控五溪益川為蜀北境晉康介居嶺表
皆吾名鎮何擇非人爾璠沉厚疏通奏三年之課尔公廩請共

豈第得千里之心尔。城詳練敏明洽中朝之譽。或遷或擢。並付左符。咨尔三臣。其聽朕命。惟公可以率下。惟惠可以使人。罔曰民愚。爾有善則誠服。罔曰郡遠。朕無隱而不知。各愆乃庸。以須明陟。可依前件。

中書後省召試閣門舍人策問一首 正月二十六日 燕炳

問在昔漢氏開塞於祖高而中興於孝宣。其事業蓋可攷矣。懷王諸老将曰沛公素寬大長者。高起王陵曰陛下使人攻城畧地。所降下者因以與之。與天下同利也。及考本紀則不然。項伯可罪而爵之。丁公可貸而戮之。封所愛而誅仇怨。徵張良之言亦殆矣。其攻陳豨在十年九月而從入蜀。漢代楚之賞未偏行也。所謂寬大長者能與天下同利。固如是乎。孝宣之治在於信賞必罰。綜核名實。然膠東流民自占者八萬餘口。此豈難見玉成乃冒其賞。願代京兆者數萬人。其政可知。廣漢乃竟戮馮越職踰法。且取名譽則有元康之詔。務為欺謾以避其課。又在二十五年之後。當是之時。賞罰民實亦少矣。夫豈抑揚遲速。固自有意歟。將施設次第。或不可。尽紀歟。不然。何史氏之抵牾也。其惟聖主方以堯舜三代為法。固無取於漢事。然日奉軒陛下。當思備清問之及試為言之。

繳曹報詞頭奏狀

其位臣周某準中書省吏房送到詞頭一道二月一日三省同
奉 聖旨曹報除臨安府推官不便授告用祖宗舊制命皇太
子領尹臨安置府推三人峻其資任外視郡守內亞即省蓋將
重行都廣衛翼也自馬希言為郎之後虛次頗久謂且高選才
行兼邵之日下供職令臣命詞須至奏聞者右臣仰惟陛下稽
人使充是選忽除曹報人不用宜蓋報貴游子弟未閑民事素
無望實驟預浩穰之政瘵曠必矣願詔三省別擇俊僚庶幾協
贊元良布宣上德所有詞命臣未敢行謹錄奏聞伏候勅旨

旨報知嚴州

辭兼中書舍人劄子

左朝散郎權尚書禮部侍郎兼權直學士院兼同修國史兼實
錄院同修撰兼侍講兼中書舍人權臣周某劄子奏臣昨奉聖
旨以趙雄同知貢舉差臣攝行西掖文書臣以時暫不敢辭避
近者趙雄丁憂復令臣依舊兼權緣臣兼職已多才不能給決
致瘵曠仰累聖知今林機送伴來歸韓元吉已嘗攝事欲望聖
慈免臣兼權取進止二月三日三省同奉

聖旨依 明日有旨林機韓元吉依舊權中舍書人

聖上

聖上

聖上

聖上

聖上

聖上

聖上

聖上

掖垣類彙卷第七



